

卷之一

序 凡例

修輯姓氏 目錄

星野 圖攷

大嶽太 和山紀畧



乾隆九年纂

大嶽太和山紀畧

下荆南道署巖板

國家王迹肇基丹建北
極而北方之卦曰坎
天一生水五行居先
上符不宿外為真武
是以源遠流長澤被
九有而星辰之協應

理固信而身激也真
武聲靈赫濯齊州咸
仰而大嶽蜿蜓磅礴
神尤憑之負坎抱離
居天地之奧宣水火
之用襄贊化育光賁

聖

祖仁

皇帝加壽錫類寵溢
迄明崇報基隆維我
社稷厥功偉否自唐

山靈忠我

皇上聖相承治務褒頌

禮同來岱蓋真武為

屯靈之宿而大嶽又
 為荆楚之錯故懷柔
 鉅典乃加無已官躬
 土者罔不宣播德可
 以崇祀於不表厥大
 嶽太和山志缺焉未

望
 縣
 二

備予之人義遜之以
 有待者 觀察王公
 起而任之 王公闕
 閩名家自西曹出巡
 荆南荆南火方也水
 德足以鎮焉大嶽之

迴盤美志之靈昇不
 可無志以助邦志如
 志所未及爰集諸名
 流訪輯意存蒼萃如
 纂而摠百成無他真
 武鎮物以神而觀

察鎮物以政是為默
 相或孚者矣余按武
 名麗由襄拉鄭道過
 均州得望太和山層
 巖疊嶂郁々終々神
 靈攸宅雲華佛護冊

中所載七十二峰二
 十四澗渚奧區雖未
 親歷至務而彷彿間
 象或至為者山之為
 靈昭々也而觀察
 蓋於卷帙中盡之夫

觀察率屬接民鉅
 細咸理肅軍政興水
 利正風俗建書院夙
 在匪懈亦又士庶躬
 切頌德聲徧安襄鄭
 三郡父老口而公餘

稍暇復整理成書以
 垂不朽自呈醒山川
 圖攷登歌詩碑記諸
 卷強目瞭如事校文
 省形固大嶽真武之
 神所醞釀蘊積云非

具我觀察以蒐羅
 纂採之盛心亦不
 恙舉也盥手雜誦
 之藉以上祝

國釐下祈民福惟曰
 於萬幸與天豈極焉

爾

日講官起居注提督湖北等處
地方學政翰林院侍讀加一
級紀錄六次長沔宋邦綏拜

手撰



序

昔王者封名山而禮其神
以各奠其方尊之曰嶽著
於周禮則謂之鎮山又建
國設官於方嶽之下使主

祀事期於調燮雨暘祈報
歲功綏厥土疆以資為彈
屨亦名之謂鎮豈不以天
之所主有鎮星故地之所
主有鎮山而人官之持節
以鎮於其方者寔有以寓
夫山鎮之義責之職守而
所係於地方者為甚重哉
繫於辛酉歲被

簡命自西曹出守安襄鄖道所

商命轄襄陽屬之均州有大嶽
太和山舊武當山也自唐
以後代奉真武尊神其
地於秦漢時置縣立郡洎
宋元又置軍分路皆以武

當名及有明永樂間加封
大嶽易名太和山勅藩叅
典司歲祀至我

朝復加崇重

聖祖仁皇帝屢遣部員內臣致祭

錫額賜帑輝煌神嶽我

皇上特降諭旨豁免山稅比於

泰岱其隆文徽號儼與五

嶽爭烈稱鉅鎮焉而其效

靈於軍國民生歷著神異

槩嘗於巡視所經必登而

致祭覽其竒秀仰其赫毅

濯靈之威不可思議懼勝

蹟漸湮帝功未盡顯彰

思有所紀錄歲之名山惜

前明所編已燼於兵燹之
餘至我

朝康熙初年有均州牧王君

民皞承觀察楊公素蘊所
委復為搜葺所刻又失於

淨梟之火僅得山間所藏
鈔本擬再為刻之猶嫌其
辭浮於事且多引科錄頗
近宋人清詞疑道士家或
有假而竄入之者未敢盡

信夫大禮必簡至敬無文
太和名嶽也真武尊神
也滌績則恐失真恠誕亦
為褻體而山經久闕又不
敢不及今以為之紀爰是

不揣謏陋於舊志採其言
之雅馴又參之以列史所
載舊民所傳為紀畧若干
卷寧約毋雜寧質毋華庶
幾於職方氏所稱九州鎮

山之典而官茲土者因名思義禮嶽尊神上祝

國釐下保民依以仰答

聖天子懷柔百神綏邦屢豐之至意至於詞之不工採之

不廣亦姑存其畧以俟後之閱覽博物而為是志者
告

乾隆九年甲子春月湖北
布政使司分守安襄鄖下

荆南道兼理水利按察使
司僉事紀錄十九次琅邪

王槩題



大嶽太和山紀畧凡例

一志取紀事不以多文爲富余家於山東習聞岱嶽典故所志自黃帝迄今不過數帙考明史藝文志載太和志編自宣德年間道士任自垣僅五卷今鈔本至二十卷恐多而不切芟之諸體不備又不成志僅紀其畧以備後採

一聖紀必求諸理元武於北方七宿主虛危之精舍次元枵道書所謂復位坎宮是也先攷元帝正義後附淨樂出身原有俗說標題悉未載入

一聖蹟不敢闌入如舜井姚孝子廟無論耕稼非此地卽有之亦應入均州志不得附於真武之道場又如道家言帝越海東遊所傳淨樂國或海外神境也竟謂麋之樂都鄉爲古淨樂國指雙塚屯之古丘爲聖父母淨樂國王善勝皇后之墓茫無所據倘若竟涉虛謬寧能免於誣聖闕之毋鑿

一古蹟必入與地之可傳載在典籍而當存者若插梅磨鍼試劍等說乃真武山道家之傳說非典也又如禹跡池挂劍松銅鼓玉像諸類已分見山水宮殿物產各條無煩重說其餘幻渺收入拾遺不敢妄作爲古

一嶽志以山水爲最要旣分類必各爲敘如說峯卽混入巖澗後云事見某峰贅語也今於峯止言峯末云下有某巖某澗於巖澗則承前云在某峰下後止各言巖澗他類倣此但使脈絡貫串分明而已漢水經古武當縣地去山甚遠補入澮河沙河浪河爲諸澗出水入漢之路漢則

言其所經而止不引水經全文亦不遠引長江
謂其大而無當

一引經不切亦陳言也因尹喜巖牽引老君并錄
入函谷著道德經全傳離之愈遠又如真武誥
勸孝經等文凡爲真武廟者皆通用與太和無
涉俱不錄入

一所紀須先清題目如星野山川等類突然說起
便似州縣志之體必於開端數則注明山之所
在及武當所以易名大嶽太和之由庶後文記
敘有所根株亦志中沿革例之不可少者

一序書非上表進疏之比凡遇聖號止須挨字連
寫省擡頭以便觀覽

一紀傳不應夾雜議論原志各類前後作起作跋
作考又各書銜書名篇目錯出似讀史之體今
但引起數語中只敘事後有私見附以小案每
類聯作一篇以醒面目

一藝文非專尚藻麗前後賢達之篇美不勝收惟
王弼洲先生駐節鄖陽於山最習且三世來遊

大嶽太和山紀畧
相習更久而所作多寓微意在前明雅存諷諭
今觀之實爲平論因思
國朝祀事悉按典禮則又有較善於前王者固知名
筆不苟於作也其餘非敢去取但不得留爲
後賢續入地耳

大嶽太和山紀畧修輯姓氏

總修

湖北布政使司分守安襄鄖荆南道兼理水利按察使司僉事紀錄十九次

王高槩

纂修

湖北襄陽府清軍巡防同知 姚世倌

原任陝西寶雞縣知縣襄陽鹿門講堂掌教 李之蘭

分修

襄陽縣學教諭 鄭家禹

太學生 倪穀豐

候選教諭 李燾質

太學 生 馮文燦

太學 生 王楊

太學 生 張夢鹿

分校

鹿門講堂肄業生員 劉選

王萬年

劉安仁

李魁元

梁玳

嚴珩

鹿門講堂肄業童生 范廷諍

彭年

王育萬

雷先聲

大嶽太和三山紀畧目錄

卷一

星野

圖考

卷二

山川

卷三

聖紀

宮殿

祀典

卷四

僊真

物產

拾遺

雷夫

王首萬

渣牟

黃或精

風

無

卷五

諭勅旨詔書詩歌贊碑

卷六

賦碑序跋贊銘文

卷七


記歌詩

卷八

詩

大嶽太和山繪圖

大嶽太和山分星璇璣翼軫圖



之均州漢南陽郡地禹貢荊州之北境史記天官書云翼軫荊州正義云翼二十二星軫四星長沙一星轄二星令軫七星皆爲鶉尾於辰在巳楚之分野晉書天文志云翼軫楚荊州南陽入翼六度宋史天文志北斗第二星曰璇其分爲楚震宇記云南嶽衡山宿當翼軫度應璣衡衡者北斗第二星玉衡也春秋緯云自大別以東至雷澤九江荊州屬衡星星經云玉衡星主荊州

大嶽

按禹貢荊及衡陽惟荊州江漢朝宗於海凡在

江漢間者皆荊州史記謂翼軫荊州王子安曰星分翼軫是就九州分野而統以屬之者也然堯以前分九州舜分十二州周分千八百國秦以後又分置郡縣以二十八宿分之寧無疆域之界故晉書又分郡國躔次以荆之翼軫分南郡入翼十度江夏入翼十二度零陵入軫十一度桂陽入軫六度武陵入軫十度長沙入軫十六度而南陽入翼六度今光化棗陽穀城均州漢南陽郡地應入翼六度是以湖之南屬軫湖

之北屬翼於地分星於星分度而分以屬之者也又魏陳卓郡國躔次云自張十七度至軫十一度楚之分野屬荊州明史天文志湖廣布政司所屬德安府之隨州襄陽府之均州光化皆張分張十六度軫九度鶉尾之次也考郡國星度張屬河東河內與南陽相近自張至軫包翼在內是又以壤地交錯而兼以屬之者也又寰宇星經有度應璣衡玉衡星主荊州等說考前漢書天文志云斗爲帝車運於中央臨制四海分陰陽建四時均五行移節度定諸紀皆繫於斗用昏建者杓杓自華以西南夜半建者衡衡殷中州河濟之間平旦建者魁魁海岱以東北也宋史天文志云北斗第一星曰天樞其分爲秦二曰璇其分爲楚三曰璣其分爲梁四曰權其分爲吳五曰玉衡其分爲燕六曰闔陽其分爲趙七曰搖光其分爲齊據此均州西接梁益在華西南應主璇星不得兼言玉衡是蓋以北斗指時則爲月建指地則爲分野又運於二

十八宿之中而總攝以分屬之者也若夫太和居真武之神上應天星或又有說天官書北宮元武索隱曰北宮黑帝其精元武正義曰虛危爲元枵於辰在子程鉅夫記龍漢之年虛危之精降而爲人修道此山是北宮正當坎位虛危降生真武理或然也斗之魁杓所建界以岱華太和參居五嶽之間故有七星峯以應北斗然則真武屬虛危之宿太和當斗極之魁義又有取固不僅拘拘於翼軫間而爭較分數也至於原志有以諸星名爲神號者考史記中宮天極星其一明者太一常居也文耀鉤曰中宮大帝其精北極星含元出氣流精生一也正義曰太乙天帝之別名也太一南一星曰天一亦天帝之神如祀典內稱真武爲北極封諸神或曰天一或曰太一豈以真武居北擬諸北極以尊之而諸神亦取北極中之星而名之耶又原志有以諸天名其峯及元帝昇天後之所居者攷離騷有九天之說明史引西洋人天有九重最上

爲宗動天無星辰次日曰列宿天次日曰填星天次日曰歲星天次日曰熒惑天次日曰太陽天次日曰金星天次日曰水星天最下曰太陰天

本朝御纂性理案稱古有九重之說然未實稽其數今推得最上一重爲宗動天乃一氣運行羣動之宗也次一重爲恒星天又次一重爲土星天又次一重爲火星天又次一重爲木星天又次一重爲金星天又次一重爲太陽天又次一重爲水星天又次一重爲太陰天其高下遠近各有層次朱子嘗言天有重數漸高漸寒外有堅殼以束之彙書載道家有三十三天名目更有謂三十六天者如山川內以顯定天皇崖天等名其峰至紀內以梵度天禁上天常融天等爲元帝所居豈以天有重數色目取而名之耶各書互有同異未暇深辨因於星野先爲附及之後不復贅

之勢不與齊

公書曰有同異未測深辨因故出理水為

念夫帝何誠豈以天亦重幾色日如而各

幾名其重至臨內必決更天禁土天常歸天終

中階三才之

三才各日更

各日更


大嶽太和山全圖

方晴堂

迎真觀


樓閣宮渡


海濱亭




泰山廟

楊西廟







七里店

七里橋



呂祖堂

龍山雨

龍山

三皇廟






小炮山

鳴馬寺

土橋



興隆觀








大橋


迎恩宮










謝橋





申府庵


























下八盤



龍泉觀






大猷大和山圖



南岩



陽鶴峯

靈應峯

飛昇臺

梳粧樓

龍頭香

羅亭

攝衣嶺

樹梅樹

外朝峯

手


金鎖峯

顯定峯

武皇真跡







圖



仙人峯

大彘峯

大筆峯

照面峯

丹桂峯

玉笏峯

小筆峯

上瓊臺

大蓮峯

中笏峯

中瓊臺

下瓊臺

萬丈峯

皇岩峯

中笏峯

翠屏峯

小蓮峯

白雲峯

白雲岩


桂笏峯

黎明盈臺



八
宮
圖


大嶽太和山淨樂宮圖




大嶽太和山淨樂宮圖

大嶽太和山淨樂宮圖


大嶽太和山迎恩宮圖



大嶽太和山遇真宮圖




大嶽太和山玉虛宮圖



大嶽太和山玉虛宮圖

大嶽太和山五龍宮圖




大嶽太和山五龍宮圖

卷一 圖

卷一

大嶽太和山紫霄宮圖



大嶽太和山南巖宮圖

太和真武宮

烏鴉廟

棋亭

甘露水


碑亭

碑亭


靈官殿


大嶽太和山太極宮
梳粧亭

大嶽太和山紀畧
卷一
圖



大嶽太和山太和宮圖





圖攷

太極分而天地圖矣二儀象而山川圖矣化工之造山川拔其秀爲太和而宮殿綴之人間粉墨不肖也雖然不可以無圖圖生數數生變變生文而文字興焉字以象形文以寫意皆圖之餘有圖而文字如繪矣紀圖攷

襄陽府均州武當山加號大嶽易名太和自有明始今因之爲峯七十二崖三十六澗二十四臺九洞九井九池十五泉九潭三石七洞天三福地一宮

殿八金殿十元銅殿一列圖如左天三詠此

今因之為舉七十二畫三十六階二十四臺

其間以此知當山吹聲大赫是各木味自亦

論亦圖而文字收會矣照圖也

主文而文字與無字以參決文以寫意皆一

學不肖以難然不可以無圖圖本煇煇主變變

之盛山川秀其秀於水味而宮殿賜之人國休

大赫今而天此圖矣二繪象而山川圖矣少工

圖文

按紀武當者謂惟真武之神足以當之元揭傒

斯撰碑云元武神得道其中改號武當謂非元

武不足當此山也夫山之奉元武者多矣此何

獨以武當名意者荆南火方也楚主祝融火神

也武當度分在翼翼於南方七宿為翼火蛇又

天之火宿也於九星為廉貞於五行為獨火於

天機為燥火攷山圖孤峰燄起羣峭攢空象亦

火也惟奉北宮真武之水精以鎮之乃有水火

既濟之功武當之名太和之義或寓於此乎抑

更有進者均陽連比房陵西通蜀漢北接終南山菁險深自昔防之且襄爲重鎮南北朝關隴之師多出武當前代建武當郡武當軍武當路以扼之明置守山大璫例比監軍未必無意也古人圖山川於屏間意存聚米身任地方牧伯者按圖知懼必思所以敬其神明綏靖山川合於禮樂治明鬼神治幽之理下祈民福以上副聖朝巡嶽翕河之盛典圖之者固不僅爲峰巒秀麗宮殿嵯峨矜繪事之工供卧遊之勝而已也

大嶽太和山紀畧卷之二

山水

虞書稱四嶽周禮職方氏但稱九州之鎮山不稱嶽然嶽鎮亦通稱之號如稱雍州其鎮山曰嶽山是也嶽山卽汧隴之吳山稱曰嶽山固知古有名山稱嶽之禮詩註云嶽乃山之尊者太和居荆與梁豫之交下蟠地軸上貫天樞左夾岷山長江南繞右分蟠冢漢水北迴其層峰疊壑標奇孕秀作鎮西南體誠尊矣稱曰大嶽而

與五嶽比靈也諒哉絕山水

大嶽太和山在均州南百二十里舊曰武當山謂真武之神足以當之也自秦漢以來置武當縣武當郡皆因山名之水經注武當亦曰參上山又曰仙室後漢書郡國志武當有和城聚荊州圖記縣有女思山南二里有武當隋書地理志均州有石階山武當山唐書地理志武當郡東南百里有武當山又水經注引荊州圖記云晉咸和中歷陽謝允爲羅令棄官隱遯茲山得道僊去故名謝羅山明

史地理志均州南有武當山永樂中尊爲大嶽太和山山有七十二峯三十六巖二十四澗又南有黑虎廟巡檢司舊志云太和乃嵩高佐命之山七十二福地之一發原乾兌脈緣隴蜀岷嶓旣藝江漢攸分綿亘八百餘里房襄之奧區荆湖之巨鎮也山水之名與數不能指悉因舊所志者臚列於左

峯 凡七十二亦云七十九

天柱峯一曰金頂又俗云大頂因金殿名之也居七

十二峯之中高可萬丈上東西長七丈南北濶九丈員平如香鑪頂體質皆石作金銀色拔空削立旁無依附必緣磴搦鑿以上自下望之僅與羣峰等陟其巔獨出雲表如萬丈諸峯及腰而止餘俱低在膝下遇清曉遠望西南層碧若山者當是蜀道極目不知所際北見羣峯外有山矗出削成方形爲嵩少近眺漢流如帶均房樊鄧可得之指顧間夜視星如斗月大如玉盆質明看扶桑日出引首東望見大輪如火四面赤霞萬道下有紅影如盆日之東又隱隱如青山狀初爲半吐半吞者數次忽一湧出已高二三丈下方尚未辨色俯瞰空濛一色如陸海奔潮青螺攢簇仰觀惟覺去天尺五輕霄蓋頂河漢西流而已四顧茫茫如碧圈空洞身搖搖無所着浩氣罡風砭滌肌骨萬慮俱盡不復作人世間想其上不生雜卉有異草細葉延蔓四時不凋味頗辛蒼檜數株蟠屈如虬蛇高不盈丈其柯半枯生意盎然凡鳥雀不棲人亦不敢厲聲妄指而烈風雷雨每頃刻至頂之弦稜作紫

金城金殿居中金城之崖下爲太和宮其南峭壁
下有池如井曰天池又有洞曰碧天巖入亦不
顯定峯在天柱峯北一名副頂道藏云上應顯定
極風天翠巘倚空祥雲瑞靄時覆其上非人間之
山可擬因取道書中諸天以名之舊傳真官檢校
僊錄於此

萬丈峯在天柱峯之東北高入雲際自黑虎崖左
上躡萬丈峯而後下登朝天宮向金頂最近如空
獅子峯在天柱北第一天門之上於中峰側蒼巒

突出雄傑猙獰儼如獅狔之象蹲踞天門下卽尹
喜所棲之地

皇崖峯在天柱峯北道藏云上應大安皇崖天近
接金頂紫氣浮空白雲在下每夕陽回景雨霽虹
垂與金殿霞光交映人望之而不可及下有崖曰
皇后崖

小筆峯在天柱東單峰獨秀卓立如束幾欲染翰
雲箋揮毫碧落

紫霄峯在天柱東北與金頂亦近峭拔端凝影入

紫霄漢峰色如迴瀾生紫日華烘煊所爲也道藏有
於衆峯中擇冲高紫霄者居之等語又元虞集嘉
慶圖序云武當七十二峯皆奇偉徑絕而所謂紫
霄峯者又七十二峯之中峰也豈天柱初亦名紫
霄後易名天柱而移紫霄於此峯耶山川異名古
今多有之

雷石峯 在天柱西北山南之路經於此荒僻如太
古多藏蛇虎石之壘壘而起者負岩架空似猛獸
欲搏人狀有石土地踞石虎而坐甚可驚怪下有

大泉曰參斗

貪狼峯 巨門峯

祿存峯

文曲峯

廉貞峯

武曲峯 破軍峯

七峰在天柱北若北斗拱極

之象昂霄聳漢左參右互上擬璇衡乃北極星象
下帝之本宮也按唐楊筠松用九星看地行龍一貪
狼屬艮二巨門屬巽三祿存屬乾四文曲屬離五
廉貞屬震六武曲屬兌七破軍屬坎八左輔九右
弼屬坤居武曲左右在七星之外北斗爲天樞天
一所生最初氣也真武稟水之精太和上應斗極

七星名峯義取諸此或傳為真僊校錄之所下有
長春朱砂北斗三巖

中笏峯在天柱北端豎如圭石瑩潤如玉南向金
頂勢若僊官執簡乘鸞鶴而上謁天門

千丈峯本在天柱西羣山參差一峰超然獨出上插

層霄中曰萬丈曰千丈約形其高耳其右即房陵

宋仲所居仲有縹仙李世所希有因名曰仙李園

貪今已廢

大蓮峯小蓮峯二峯在天柱西太和如千葉寶

蓮湧現碧波此更如並蒂芙蓉亭亭競秀春夏間

明媚尤絕不減西嶽蓮華峰也

大筆峯中筆峯二峰並峙於蓮峯之間石筍抽

出巔頂抹黛塗黃居然雙管齊揮原名大小蠟燭

峯下臨蠟燭澗因其穎秀改今名

落帽峯在中筆峯之北峰頭岸異雲覆之如冠紫

霞昔仙人戴孟在此飛昇落帽於其上名或因此

下有石橋

白雲峯在天柱西紫蓋皇崖東西互映淡色輕肌

天然秀異古云白雲滿地無人掃殆其近之傍一
石穴虛明如涵星名曰星牖亦絕景也下有巖亦
曰白雲陳希夷常辟穀居此
紫蓋峯 在天柱西五龍宮之南二十里屏立而頂
若覆狀類華蓋三台每曉光初照有紫氣冒於上
夜分頻見僊燈往來傳云有仙丹瘞此屢有覓之
者不能得下有洞曰黃龍

松蘿峯 在紫蓋峰之西下有山岬亦以此名昔帝
修真之時常服松蘿衣此峯最盛今猶遍覆於山

間北有崖曰卧龍

桃源峯 在紫蓋峰之北山之口如峽入而逶迤中
則寬平峯巒拔翠下有桃源澗桃源洞流水落花
彷彿武陵因以名其峯

墨字峯 在五龍頂南三山墨映如字複壁重岩移
步視之形屢變換有石磴緣之松竹扶疎清陰引
之不窮壁中有石穴曰雷巖

金頂峯 在墨字峰西山形類鼎與五龍頂近陰氣
森森非遊屐所及下一崖曰藏雲

伏龍峯非在五龍峯西山勢屈伏若暫蜿蜒而勢將
奮飛者龍湫密邇人跡少到鼎興正銷更並創
五龍峯一名五龍頂道藏云上應龍變梵度天五
峯羅列互見奮迅湧起有羣龍天半擎雲劈海之
象頂有石廟一區曰真源之殿卽五岳龍神所寓
有靈泉曰龍池

靈應峯 在龍宮後亦五龍之侍從也峰勢相接巖
壁亦委折相連附五龍峯者曰五龍巖附靈應峯
者曰靈應巖其實總一峯一巖而別爲名耳昔房

因以名其峯下卽昇真巖白雲澗按五老卽五星
之精五方五帝別號也凡五老五炁等名皆因元
門修煉升降水火以取義

仙人峯 隱士峯 二峯在天柱之南嶺斷山峙孤

峭而清高象仙人隱士順風翔舞白雲堆衆壑間
如觀陸海蓬萊方丈浮游波濤之上可望而不可

卽峯

大名峯 在天柱西數峯轟轟正處陽明竹木泉林
撐天蔭日山深路僻畬原沃壤學道者多卜居之

中有庵名曰王母宮大松數株羅列四畔相傳聖母尋太子於此因名

中鼻峯 聚雲峯 手扒峯 竹篠峯 搓牙峯

五峯在金頂之東南一嶺綿亘五峯叢錯分布岡阜疊翠幾數里中有徑曰主簿岨當均房往來之道其境陰晦蛇蝮爲患如手扒搓牙等峯形望而畏之

竈門峯 在天柱東南雲嶺橫鋪巖石中裂如門烟霧常出其內清曉望之如炊

九卿峯 在天柱南峰影秀麗葱蒨如畫亦中峯近侍也傳云衆真校籙之所意者帝爲玉虛師相三公九卿比接班聯抑或帝昇金闕而公卿隨侍耶下有九卿巖

伏魔峯 在天柱南接天馬西來之脈山勢雄拔挺特若欲壓衆峯而屈伏之常有靈龜巨蛇遊走上下或傳云乃帝收魔奏請之地下有大小鬼谷澗

水聲喧飀如雷 玉筍峯 在天柱南亦曰石人山以其峯巒之類人

也其北名雞冠嶺羣峰裂地而上有新篁未籜之象南澗外卽房州界有山徑可通下有碧峰崖

柱笏峯大彛峯二峯在天柱西南比肩聯立峯壯各殊岡嶺橫亘如帶一峰回仰如搯牙笏一峰坦其巔頂如掌之托天其地幽僻爲猛鷲之所棲把鉞峯在天柱西岑小而尖銳如穎之初脫於囊勢欲刺空自金頂俯視如可拾而把也或云元帝頓悟後元君飛鐵杵於此因名

丹竈峯在天柱西其山類偃月形石文如丹昏曉

有青煙紫霧出其間人謂丹竈凝煙自紫霄隔溪望之足跡不可到

天馬峯在天柱西百里一名馬嘶山一名西望峯當均房官道中昂首青霄如天馬西來圖記云山自乾兌發源歷關隴金房之地盤亘萬里而至於斯此峯正武當來脈頓起高頂處也下有泉曰龍井西下一巖曰天馬巖

雞鳴峯 雞籠峯 二峯在天柱西天馬峯之北當均房官道狀類雞之聳冠奮吭而鳴者俗呼山曰

大雞鳴小雞鳴相傳昔有丹鳳集於山巔和鳴上
下人莫之識指之曰天雞又移棲於次峯因名曰
雞籠下有金雞澗

眉稜峯 在五龍頂之西房陵登山之路高聳昂藏
盤曲三十餘里以至五龍宮石脊連嵒眉稜生紫
與龍宮相向黑虎或時見此登者畏之

復朝峯 卽外朝山也羣峯趨赴天柱獨東南一山
最高意不肯爲天柱下而若自爲向背曰外朝峰
去有可復之理因又名復朝焉其北平田敞豁桑

麻蔽野雞犬相聞自山而南百里爲房陵官道峰
之東有龍湫民常禱之

香鑪峯 在天柱東北仙關之南巉崖磊落浮嵐
靄取鑪香近於帝座而名之耳下有紫霄澗卽登
山道路荊州圖副記云峯首狀博山香鑪亭亭遠
出又南雍州記云有三磴道上磴道名香鑪峰二
記所云香鑪指今之天柱也博山乃海上仙山鑄
鑪者象焉天柱高員而頂平似之然則天柱原名
香鑪後易爲天柱而以香鑪名其從峰也

九渡峯 一名仙關在天柱東紫霄宮之正路峭巖
屹截上摩青蒼石徑環曲轉而益高下有澗水散
漚橋渡重疊不啻百步九渡因以名峯與澗或云
淨樂國王遣校尉五百訪太子至此不得渡故名
之

展旗峯 在天柱東紫霄宮之後山也峰色如鐵類
中軍皂纛展起半空中幟旒飛揚自宮前望之疑
墨雲隋屋垂垂欲雨峯中之最雄奇者或云真武
常執皂旗北方正色也因名之中有玉清太清太

子三崖

金鎖峯 在展旗峰北地形類臺閣上倚蒼穹下臨
青澗在金闕之下仙關之前巖封峽束有玉門金
鎖之象或傳云帝收攝妖魔悉鎖於其下指山下
澗水以誓之今石壁卽其門也

青羊峯 在金鎖北高聳突兀林木蔚茂其嵐色正
青傳云太上駕青羊遊此因名下卽青羊澗太和
山水莫奇妙於此

七里峯 在隱仙崖北竹關之下一徑七里百步九

折越山度嶺卽鑽天五里所謂七里溝者峰下所
由路也下卽五龍接待庵土花盈砌山桂飄香駐
鶴迎賓烹茶炊粟饒有仙家風景
繫馬峯 在接待庵西北當登山正路一峰特起卽
天馬臺因山自天馬峰來又以繫馬名之或傳云
昔帝現真容乘白天馬立其上下有殿曰黑虎大
神之祠

會仙峯 在登山大道之間入山至此始見峰巒峯
卽阜之隆起者古松老橡夾馳道旁翠光清影漸
與僊源近矣宋端平中曹觀妙迎三茅真君於此
因名之有會仙都土地祠

茅阜峯 山之初一嶺也人閒鳥靜境如荒遐樵徑
紆徐將通雲路上有守山土地靈官祠常示靈異
紫炁峯 在五龍西南尖峯獨聳位值南離亦因紫
炁神君而名之也純陽祖師憇此有詩歌

蓬萊第一峯 在紫霄宮後太子崖左縹緲如海上
仙山

大寶珠峯 小寶珠峯 二峰在紫霄賜劍臺之前

左右相距數武斷而復起雙頂員突如小兒擎拳狀

逍遙峯 在太和宮下下爲清微宮迤西爲妙華崖其頂則逍遙峯也

金童峯 玉女峯 二峰在天柱前左右對峙當膝承之如在榻案前

巖 凡三十六亦云四十四

紫霄巖 一名獨陽巖在天柱之北更衣臺之東歛火巖之西仙侶巖之南上倚層霄下臨虎澗高明

敞豁乃帝煉丹之地至元中住巖張守清與修之
疊石爲路積水爲池名以紫霄巖上列殿庭中有
泉曰甘露西上百餘步有石曰試心石又十餘步
卽更衣臺後有洞雲道人魯大宥復開香火受供
與五龍紫霄二宮等

隱仙巖 一名尹仙出五龍度磨鍼澗過隱仙巖在
竹關之上高聳而虛明古仙尹軌所居丹室爐竈
存焉近代田箕衣隱此證道巖右大木下有石棋
盤左右列石爲坐傳云尹仙枰棋之所今猶常聞

步虛玉磬聲

僊侶巖 在天柱北面朝天門山舍平坦築居深秘
昔陶幼安隱此得道後修煉者多棲之故名仙侶
有泉曰百花

臥龍巖 在松蘿峰下面向東北豁達高潔霜天月
夜鶴唳猿啼清幽而無雰霧

尹喜巖 一名仙巖展旗峯在北巖板如聳筆玉澗
調琴昔文始先生隱此故名下有澗曰牛漕

玉虛巖 一名俞公巖在仙關之東九渡澗之上由

白淵默亭沿澗東入壁立半空巖之高以千仞澗聲
雷震於其下巖有龍虎文其右雷文中奉帝君右
奉雷部昔有隱者俞惠哲誦經於此一老人常往
聽之忽一日語曰我東溟之子謫居於是限滿得
還所居願有奉於長者一夕雷雨為震其石近代
人往避兵火焚石落不可居

五龍巖 一名靈應巖在五龍峯迤東內奉五炁龍
君祈禱如響答又曰靈應巖每建宇殿即為風雷
所移石徑崎嶇蛇虺雜處草木蒙昧不可常至其

東則靈應峯也

玉清巖 太清巖 又太子巖 三巖在展旗峰下
名三清巖 太清原名修道巖 昔黃太清得道於此
因名之 峯腰有太子巖 乃昔真武爲太子修道處
下卽太子坡 右延袤上數十級 有小構設太子像
於中

皇后巖 在皇巖峯下 絕壁斗立 鳥飛猿棲之所 不
到相傳 善勝后訪太子經此
白雲巖 在白雲峯下 嶮巖不可到 望壁間懸而吐

者爲巖 訕而內者爲洞 旁有石穴 曰星牖 幽棲者
設棧以入 則不復出 米醢率以繼 致或彷彿時見
形影 昔陳希夷辟穀 曾三遷於此 後徙五龍

三公巖 在三公峯下 卽太師三峰也 自朝天宮東
出三公巖 則上巖也 路險絕不容足 其下亦爲三
公巖 相距三舍 巖南向 爽塏可居
天馬巖 在天馬峰下 西澗自西來 過巖下 路當孔
道 巖石嵌空 可蔽風雨 商旅常宿於此 俗呼巖屋
巖者是也

藏雲巖 在金頂峯下地近風穴雷巖雨則雲起雨後雲歸其氣青濛故名

隱士巖 在仙人隱士二峰之陰相傳有仙人出沒於其間或槲衣披髮形相怪異手足甲長數寸時坐磐石濯澗水恍惚跡之失所在

楊僊巖 在五龍宮東二百步龍峰深峻而合沓桃花夾徑一帶清陰不斷又有相接對峙者曰雲母巖狀如雲母屏也昔隱士楊華陽先生服朮於此年百餘歲人往訪之飛步而走後不知所在

沈僊巖 在飛昇臺西與桃源洞對巖之最高且深者有泉滴瀝清幽內藏石室昔有沈仙成道於此因名

滴水巖 在仙侶巖南石中裂而上垂赭色如肺蓋泉時一滴似刻漏下有小石池盛之就視之亦不見石有隙竇痕不知滴所從出

集雲巖 南聚雲峯之間五峰相虧蔽巖壑如齧深澗不可探宿雲常堆於其間

謝天地巖 不在南崖更衣臺下壁臨絕澗高不可階

非飛行不可到中窪如石室昔謝天地居此故名
長春巖 硃砂崖 北斗巖 三巖在七星峰參錯
之間南向者高爽敞豁常如陽春爲長春岩向北
者上納太虛清寒碧峭仰七峰如在斗口之魁柄
中爲北斗巖其西出突兀者壁間石磧爲夕陽照
射望之若丹砂一片赤燄飛空則硃砂崖也
歛火巖 一名雷洞在紫霄崖北陡壁忽開一洞高
深皆丈許寬倍之石紋如火燄列炬入始見之泉
滲出爲滄水池云能已疾

上黑虎巖 下黑虎巖 上崖在仙關九渡澗南龍
潭之上相傳爲伏虎處下崖在南岩左負員光殿
突岨蹲踞豈虎無定趾隨在可名抑各以形似之

白龍巖 在飛昇臺下龍潭之南與上黑虎岩俱近
龍室不可居

昇真巖 在五老峰下峯勢層現如地神湧出岩亦
緣之若拔空騰起曰昇真者或因五老翼元帝上
巖昇而名也

碧峯巖 在玉筍峰下峰遠秀似碧紗岩地敞塏水

土甘美隱居者便之

僊龜巖 在天柱峰下側立千尺石員起作綠珩色

如龜衣苔蘚而坐旁溜點點滴下以手承之輒成

白掬或云有神龜藏此時吐雲霧與土黑氣成丹並

雷巖 疊字峰下有石洞深不知底雷聲每起於中

云律令鄧天君曾煉丹於此其神寓於其內

風巖 在天柱下下卽萬虎澗四山圍逼陽不能舒

而噫氣生風卽少女不動亦呼號怒吼震響林壑

人莫能近

九卿巖 在九卿峰下嵐氣清迥遠隔塵寰曾有道

流露宿其下夜靜聞金鐘玉磬聲縹緲不知所在

疑玉府仙卿所隱棲也下有深潭不可測

凌虛巖 在五龍宮西南二里許於岡脊外橫開數

十丈坦其巔與岡相屬如坪岩畔似坏城築墻圍

之便於憑眺下皆巨杉蒼偃陰深唐孫思邈宋陳

希夷俱修煉於此路側有希夷誦經臺

太山巖卽太上觀 在玉虛南二十五里東西有二

大泉岩間鑄仙像殆遍右二石龍蜿蜒垂崖下右結
員亭對落帽峰陳柯不剪最爲幽翳

青巖在天柱北淄河南山勢劈削望之藍翠撲空
蛇徑曲拗以上可以避兵

獨陽崖 從南岩宮轉西由元君殿折而下向東行
有二室石室曰紫霄磚室曰獨陽舊志又載北崖
西岩未指所在意者南崖其總名也在東曰獨陽
取向陽之義在北則曰北岩在西則曰西崖記稱
八宮惟南岩形勢最勝崖之爭奇疊秀者夥矣

華陽岩 在五龍之南繞澗水而斗覆古木凝秀中
空濶無所有惟山骨石紋露其巧曾建浩然亭於
內有石刻遺像其澗下窪而洞者曰華陰相與頡
頏上下

悟真崖 在蠟燭澗之北白雲崖之東山勢陡削天
籟清絕隔斷紅塵可悟元機

妙華巖 卽清微宮也自太和宮乘磴西下爲清微
宮僻居深谷中以幽勝自永樂十年建爲宮目宮
西爲妙華岩昔張守清張三丰嘗修煉於此

羅公巖 與太上崖對自七里溝入由開山故道而
登之石壁削出往年有屋居念菴羅太史望西南
諸峯盡在目眦

崇福巖 在南崖宮南天門外左曰雲霧崖穹窿如
屋仰視石上有痕似巨人跡傳云元帝修煉於此
岩將崩以足抵之有遺跡云石上刊雲霧勝跡並
詩

虎耳岩 亦名佛子崖與尹喜巖近昔不二和尚居
此爲名也岩嵌空成屋頂上舊有蓮池水四時不
涸池上復爲室今花木亭榭殆盡藕塘亦廢僅存
泥淖迹

澗 凡二十四亦云二十六

大青羊澗 在青羊峰下一名青羊河有橋跨之曰
青羊橋承萬虎桃源諸澗之水泌瀨奔赴激湍之
聲出亂石中石皆白色多奇狀四壁圍若繚垣山
與水相響應島竦川迴以達於淄河澗中之巨觀
也

萬虎澗 在天柱北地故稱風穴風水激盪如萬虎

之咆嗥會於青羊澗

牛漕澗 在尹喜岩下相傳老君訪尹喜青牛臥此故名其飛湍西入青羊澗

桃源澗 在桃源峰下瀑聲淙淙喧於樹杪內有八角亭亭後有曬經石其澗自紫蓋峯發源由龍潭東入青羊澗

下黑虎澗 在下黑虎岩下有廬其半壁者是為虎皮張修道處

磨鍼澗 在老姥祠前上有磨針石合黑虎澗水起

白自五龍頂會於白龍潭

小青羊澗 陽鶴澗 二澗俱接流自陽鶴峯穿林

蘆東入於大青羊澗

金鎖澗 飛雲澗 瀑布澗亦名水簾 三澗曲折

相連而飛瀑懸灑水簾尤奇勝先後起於金鎖青羊二峯之左右西流同入於青羊澗

會仙澗 在五龍頂之北過遇真宮承龍頂以下諸

峯之水會而北出蒿口會於蒿谷澗

蒿谷澗 在蒿口上流近玉虛宮去州南六十餘里

自梅溪東諸山之水西入於青羊澗會之以出溜

河

武當澗 在天柱之東受皇崖諸峯之水北入於紫

霄澗

紫霄澗 在三公山之水轉自紫霄宮南迤北會諸澗

金入九渡澗

上黑虎澗 在上黑虎岩下香鑪諸峰之水會前二

小澗自龍潭飛流東入九渡澗

白雲澗 在白雲峰與崖之下自五龍峯出接九渡

澗

九渡澗 在九渡峯下會紫霄黑龍白龍諸澗而出

梅溪

梅溪澗 因近棚梅而為名自武當以下諸澗出梅

溪左而為溜河

西澗 自馬嘶山龍井發源而北總山西諸澗匯為

西澗

金雞澗 在大小雞鳴峰之間其水會於西澗灣回

湍激夏秋泛漲商旅經月不可渡諺曰上得馬嘶

山四十九渡不會乾是此水也

雷澗 自疊字峰雷洞之水由南會於五龍澗

五龍澗 自伏龍諸峯之水由雷澗出西澗自蒿口

會青羊梅溪二澗合為淄河東北入於漢

鬼谷澗 在伏魔峰之間承天馬西來之水會山南

諸峯之水東會雙溪澗

雙溪澗 自天柱東南諸峰之水交會鬼谷澗由浪

河西北入於漢

蠟燭澗 在天柱南自上瓊臺至下瓊臺兩燭峰在

後水至此成峽石之伏者為底豎者為岸大者為
激最大者為灘湍石少為衍多則為甃石不勝水
狹為溝寬為塘水石並勝則狹聲急寬聲遠長石
為橋方石為臺圓石為坐木之卧於水者亦為橋
非斷崖日光不露曲屈二十餘里皆陰陰而山香
四發不知何來再越一嶺又峽焉直至玉虛岩下
九渡澗旁出與之會太和之水於斯為勝昔人云
山羸水絀非篤論也

雷澗 凡八

雷洞 疊字峯巖壁間有石穴從上繩貫而入石色
作火燄雷文有臥形足跡存焉遠聽之常有聲轟
轟然卽鄧天君修煉處崖曰雷巖洞曰雷洞
桃源洞 在桃源峰北境象遠濶杳與塵絕西有穴
曰桃源洞焚修者蛻形瘞劍於此東卽陳希夷誦
經臺

白龍洞 在竈門峰東卽石裂如門之處而名之爲
洞洞中時有白氣如龍大雨立注

碧天洞 在天柱峯南巖下天池之上如天牖高開
星辰在戶俯凌萬頃之茫然

太元洞 在柱笏峯下峰與大彛相連幽邃苞胎元
之又元衆妙之門此洞有焉

黃龍洞 在紫蓋峰下峯最荒僻詭怪出沒之所有
洞不可居止原志載昔有劉隱者棲此焚修士也
忽一夕有童子傳詔召之門人疑曰天詔當於清
曉日中暮夜陰暗恐魔劫之默篆雷符焚之忽霹
靂一聲寂無所見及旦見血跡尋之至一石穴一
巨獸擊死錄此爲修煉墮魔者戒

老君洞 在八仙觀下自太上崖折而南爲八仙觀
觀下巖谷窪歛而側入者爲洞因尹喜曾隱武當
老君過訪因名之

靈洞 在玉虛宮望仙臺下自玉虛西塢北山下曰
望仙臺下有石洞泉流飛下如大珠小珠之落玉
盤一名水簾洞

潭 凡三

黑虎潭 在仙關之上卽上黑虎巖之下紫霄澗水
之中二石從水底夾出數丈下濶如屋洄漩黝黑

深不可測大旱禱之立應有廟在其上

白龍潭二所 一在磨針澗中巖上瀑流如布下瀦
爲潭崖內有廟祈禱屢應一在飛昇臺下潭黑而
深有雲氣上昇立兩地極峻險人罕有至者

泉 凡九

甘露泉 在紫霄巖下山氣冲和無瘴癘崖下有泉
湧如濺珠飲如吸露甘香清冽幽人多遊居於此

參斗泉 在雷石峯南石巖下一泉如井前積爲二
池朗映如星因北有北斗七峯若星斗之參橫也

百花泉 在仙侶巖旁坦平處泉出於崖下一抔湛然昔老媪浣衲百花浮溪故杜工部有百花潭水卽滄浪之句因漢名滄浪水又因陶幼安居此得道百花之名雅矣

真乙泉 在紫霄宮左右竇閣紫霄已近天關靈氣化液泉從地湧如自天來屬坎宮天乙所生此真乙天乙太乙之所由名也

一泓泉 在關帝廟前飲馬池偏東泉視池爲尤潔益人泉 在迴龍觀上泉在山隴盤旋之處四時澄

鮮飲者便之

東靈石泉 西靈石泉 二泉在太上巖崖高峻無水宣德三年於此纂輯太和志巖東隴石穴下泉忽湧出已而岩西路旁石根下亦復出泉鑿砌成池俱清冽可飲

甘泉 在南巖宮內南崖之水最多惟此泉甘冽稱上品亦名一泓泉

池 凡十五

天池 在天柱南峭壁下卽碧天洞之流處下視諸

峰泉水如河源天上進封廣潤龍王

龍池 在五龍峰窅奧處靈池淵渟即五炁之神所

寓其餘散為池井太和山多神泉惟五龍尤靈顯

天池 地池 二池在五龍宮日月池後圓曰天池

方曰地池鑿二龍口以竇泉液晝夜滲瀝入池作

跳珠聲天池水藍色不可食惟地池水甘美可汲

飲

日池 月池 在五龍宮天寶壇南廡後二池相並

月池時草延蔓色如黛日池周二十餘丈漾楮玉

色晴雨不加涸溢色或時時變面南皆連山之石

每霜降清曉時有白氣如雲上昇有明管轄曹侍

德擬建寶藏於池南夢神語曰此下即洞府神龍

居焉若法輪運轉神靈恐弗安同僚夢悉符於是

設藏殿不敢連池榜之曰洞天在近中統庚申宣

慰孫嗣內附有甲士詣池洗劍神龍擁脊而現鱗

鬣天地昏暗雷雨大震至今朝禮者不敢飲犬馬

煉丹池 在五龍西五十步自凌虛岩折而西上為

自然庵庵前甃石為方池即煉丹池據勢幽勝

古木蒼藤覆之值炎蒸暑無暑氣池底巨石下一
穴有龍居焉人常見之虎豹鳥獸常飲於此按圖
經記馬明生煉太陽大丹於此鑪灰尚存非鐵非
石故迹宛然後陳希夷亦居此感五炁龍君授以
睡法因避喧於誦經臺

鹽池 唐書地理志均陽南百里有鹽池有武當山
均州志州南百二十里水斥鹵可爲鹽按此則池
在太和山內舊志不定所在但以爲伏魔之處事
無可考

飲馬池

在關帝廟西因關廟以名其池也

天乙池

太乙池

滄水庫池

三池俱在南崖宮

內天乙太乙相連從方丈左折後上分二道右穿
道院中爲滄水庫池池上有間道可通行凡洞岩
中名滄水池因龍宮海藏有滄水使者而名之也
禹跡池 在紫霄禹跡橋南池廣畝餘水自小寶珠
峯至大寶珠峰溢爲此池

上善池

在紫霄東方丈之北酌之如餐沆瀣今易
名上善泉亦名聖水池

井 凡九

龍井 在天馬峰下深不可測水甘而清當均房官道中商旅往來汲之以供飲爨

五龍井 在五龍宮大殿前之四陲中一井在拜殿內即歷代投簡之所今以石掩之左右各二井水

與塔平汲一井五井皆動殿宇若浮梁島屋水色清瑩味甘美巖居者多癯贅住此自消以之和藥

甘露井 在南崖宮前宮內曰甘泉宮前又曰甘露

互為之名耳

神泉井 在玉虛神廚後宮在仙巖神泉隨湧因在

神廚後從而神之

舜井 一在山麓一在會真庵冲虛庵西原志載姚孝子廟因有舜井之名

石 凡七

磨鍼石 在五龍宮北一里許磨針澗上喬木芳草間有石橫於澗濱彷彿磨礮之跡相傳云元帝修真時久未契欲出山因見澗下一女磨鐵杵問曰

磨欲何爲應曰欲作鍼謂曰成之不亦難乎答曰
工至自成帝大悟愈加勤修乃證天真女卽紫元
君之神所化也按帝豈有隳念出山感磨針復返
之事或幻化以勸來者

試劍石 在金頂二天門內一石中分劍跡昭然傳
云元帝試劍處自摘星橋上五百步達重門倚試
劍石可坐更百步卽三天門

仙碁石 元君殿之左隅爲南薰亭亭外有石棋枰
棋道縱橫儼刻畫狀相傳尹喜枰碁處

試心石 在紫霄崖西百餘步自捨身巖級而上可
二三百步有亭其巔者爲飛昇臺下有石突出虛
壁上曰試心石登者悚慄必自驗誠否

鳳凰石 在太和玉筍峯側其嶺曰雞冠嶺又曰雞
公嘴有石當轉步處險仄如鳥道羊腸俗名鳳凰
三轉身是也

金星石 銀星石 在天柱頂上石鑠粟起如金銀
顆粒或云碎爲末心神不寧者服之可愈

龍首石 紫霄欄楯外有石突而銳出長可五六尺

類神龍矯首於雲罅好事者穴其頂以承炷懸臨
絕壑瞰之蒼蒼然頭眩足搖往往有匍匐緣石投
香於其頂而插之謂之龍頭香旁觀者爲之毛骨
鼓栗再折而西爲捨身巖岩石陡出壁削萬仞俯
而視之幽深微窅莫測其所究極祇覺奇險不可
試步

臺凡九

飛昇臺 在五龍宮東南百步松杉扶疎烟霞交映
登其上萬壑千巖一目可盡按圖經碑刻元帝奉

詔於此五龍掖之上昇地皆變金玉色今舉山皆
變金星石

更衣臺 在紫霄崖西相傳元帝更衣松蘿衣服天衣
處
誦經臺 自凌虛巖左折而南有陳希夷誦經臺其
臺南面天柱諸峰下窺無際

望仙臺 在五龍宮東北百步福地門東一臺巍然
數松森立有亭高敞仰眺峯巒俯臨深豁望仙樓
天之崇基也

天馬臺基在繫馬峰下相傳帝現真像乘天馬立於
此林森立有亭高如神壇峯巒皆設齋殿望山懸
朝聖臺 在飛昇臺西因五炁龍君掖元帝上昇朝
謁上聖而名之也不實無別

禮斗臺 在南巖宮紫霄崖下徑斗絕如乘墉臺之
陰橫崖石大如垂天之翼刻五百靈官像長不盈
一尺飾以金貯石罅中即軒元帝更休處蓋亦取天
瓊臺 在天柱東南巔岼入雲際幾欲埒天柱然已
北面折服乃嶽頂臺址耳署曰仙跡流風曰瓊臺

受冊門相傳元帝受冊於此

賜劍臺 在紫霄宮前禹跡池之右其陰爲萬松亭
其陽爲賜劍臺相傳上帝賜劍於此

亭 凡十二

紫雲亭 在淨樂宮東相傳帝降生於此紫雲彌覆
故名

滄浪亭 在州東門外漢江東石壁上刻孺子歌處
四大字舊志云孔子聽孺子歌滄浪在鄒之嶧山
屈大夫遇漁父歌滄浪在今湖南龍陽俱與此無

與又按禹貢嶓冢導漾東流爲滄浪之水史記正義云括地志均州武當有滄浪水庾仲雍漢水記武當縣西四十里漢水中有滄浪洲或借此以名其亭無不可者

憑虛亭 在滄浪亭之上上倚太和下臨漢江有憑虛御風之勢

卧雲亭 在龍山玉皇閣左下縣志龍山在州東南七里下卽勺水口亭居水雲深處幽翳澹雅不少染塵寰氣

益人泉亭 在迴龍觀上觀去玉虛西南五里有益人泉亭其上以益飲者

一泓泉亭 在關帝廟前廟去玉虛西十五里亭在一泓泉上飲馬池之東

神泉亭 在玉虛宮神廚後泉卽井以亭覆之
萬松亭 在紫霄宮福地內舊志載福地殿塔下有丹井二東有賜劍臺北有萬松亭滿目清陰如綠雲之繞

太子亭 在紫霄宮太子崖前因岩以名其亭

禹跡亭 在紫霄宮前宮之陽有禹跡池築小亭出其上

淵默亭 在九渡崖下乘天津橋度九渡澗其陽則淵默亭澗道幽絕寂無人聲

臨清亭 在大寶珠峰下小寶珠峯澗水東趨大寶珠峰清澈漩曲亭臨其上

橋 凡三十九

迎恩橋 在迎恩宮北圈門外石橋蜿蜒跨澗水聲潺潺如絲竹

尋真橋 在石板灘西南 絞口橋 在石板灘南一里許 中橋 在石板灘北五里許 灘在漢水邊太和諸澗水入漢之處三橋跨之以通自均入山之道

冲和西橋 冲和中橋 冲和東橋 春和橋 四橋俱在蚰蟾峪亦太和澗水入漢之處

元和西橋 元和中橋 元和東橋 集仙橋 四橋俱在元和觀前遇真宮去州南五十餘里觀去本宮南二里太和諸澗水繞觀前而出隨其曲折

設橋以濟

會仙橋 在遇真宮前下有石池方廣數丈瀦泉澄澈林影覆之漾琉璃色

仙都橋 在玉虛宮北天門內

遊仙橋 在玉虛宮左

仙源橋 在玉虛宮門內

西天門橋 自玉虛西池亭洞達過望仙樓爲仙桃

觀通八仙臺又西爲華陽亭跨石橋臨芙蓉沼

西山橋 在玉虛宮西天門外

北山橋 在玉虛宮北天門外

東山橋 在玉虛宮東天門外

登仙橋 在玉虛宮東天門外之南

東萊橋 又在東山橋東玉虛宮在展旗峰後已近太

和諸峯山泉漫湧而澗水自九渡來者繞出蒿口

橋在宮門內者度山泉宮門外者跨澗水

豐和橋 在蒿口石碑東卽玉虛宮外澗水出蒿口

普而跨之者

蒿口橋 在五龍行宮前蒿口上承諸澗水出漕河

於上流爲橋前千宮館蒿口上承諸澗水出密阿
普福橋在仁威觀前橋下窪然深黑漩瀨瀆薄四
豐山類缺甕剗其中而窪其外一隙射入天光丹碧
華葉隱隱森動回眸頓趾若乘塞障不得下

隱仙橋在仁威觀上自普福橋旁高忽故西度隱
東仙橋又折而北西岸岬立迴溪股引翠蔓蒙絡白
益日如晦

聚仙橋在黑虎澗香鑪諸峰之水會武當澗爲黑
虎澗爲橋以渡

磨鍼澗橋在老姥祠前祠在磨鍼澗上自五龍頂
股分而下萬虎諸澗有橋跨之

禹跡橋在紫霄宮前大小寶珠峯之水溢爲禹跡
池橋跨其上

通會橋在紫霄宮北威烈觀南觀在紫霄北二百
步水自三公崖南設橋於其地

天津橋在九渡澗由十八盤下聞水聲潺湲九渡
澗也上爲龍泉觀如虹而飲者爲天津橋

黑虎橋在紫霄宮北黑虎廟南因廟以名其橋

復真橋 在太子坡北度平臺有峭石自澗中直上

覆以古木根垂若搗再三折為太子坡澗自西南

天來橋踞之大壑隙由十八盤下圍木柱

天乙橋 在南巖宮北天門外自橋入北天門山勢

若蓮花拔起又數十步至小天門有岩垂下疑欲

墮者上有巨人跡

步雲橋 在飛昇臺五龍宮之東上則石磴接空躡

橋如步雲而登古蹟亦

梯雲橋 在榭梅祠上祠在南崖宮南一里右行百

餘步度北巖升自南天門橋上望之如躡雲梯

摘星橋 一名會仙橋在一天門上橋下澗水如神

漢當兩山缺處上瞰天柱諸峯下臨絕谷緣絙由

天梯上梯如竿揭雲表仰見人行如在天上志云

白雲橋 在白雲巖南其澗上承五龍下接九渡橋

亦以峰與巖澗名之於西水又東

斜橋 在朝天宮下二里許自斜橋上頂有三徑一

為磴道上三天門一為官道由歡喜坡往一為樵

人道由銅殿啞入

人水由陰與迺入

漢水在太和北百二十里水經注漢水東南過武
 當縣東北漢水又東平陽川水注之沔水又東南
 逕縣城東又東會水注之沔水又東逕龍巢山下
 又東南逕涉都縣東北按漢去武當甚遠古均陽
 屬武當郡漢水經均即逕武當也平陽川舊志云
 即復朝峯在武當東南川水過武當山入漢會水
 即今漕河武當山水入漢之所經涉都即今州之
 鄉名郡圖志筑陽縣有涉都鄉古亦屬武當郡

漕河 金沙河 浪河 皆在太和北水經注又東

漕水注之是其一也三府志三河皆發源太和諸
 山谷中各自入漢按太和諸澗水一自天馬山西
 來轉南而北出一自天柱峰南來一自五龍頂西
 南來所會為青羊蠟燭等澗最勝其出山為蒿口
 梅溪雙溪以入漢原志稱淄河查府州志無之疑
 即漕河也

按漢水出漢中之嶓冢太和在漢之南其山脈
 與嶓冢同發自蜀與終南分支舊謂發源乾兌

綿亘萬里特極言之耳天柱周迴百里內記載
且不能悉詳遊歷者往往迷津何暇及遠竊憶
登祭所經按之名賢遊記聊識入山之大都焉
自州城淨樂宮出南門行鄖襄官道中石甃廣
平道傍壁間有曰打兒窩者俗云擊之卽得嗣
也夾路古樹交陰三十里至迎恩宮漸與山近
謂之界山自迎恩宮轉西兩山東如峽口中樹
會治世元嶽坊琢紋石爲之跨踞雄傑明嘉靖朝
所建以冠五嶽也再折而北度會仙橋橋之陰
爲遇真宮負鴉鵠諸嶺左望仙臺右黑虎洞張
三丰初居此舊名黃土城者也自宮南折而西
入仙關俗云進山門又五里如大聚落如都城
市爲玉虛宮古武當縣地也形勢軒翔規模壯
麗殿藏銅鼓石魚其西多亭池有望仙樓奉呂
祖像西接仙桃觀八仙觀又西爲華陽亭有橋
跨芙蓉沼上又西南次迴龍觀太元觀至此則
野盡峯來去平將陟險矣自玉虛南經好漢坡
坡石赤墳而起入紅門揭曰洞天深處傍爲太

上巖歷太子坡有殿置太子像前有聖母滴淚池再轉由平臺歷上下十八盤俱石坎數十百級再下入九渡澗上爲龍泉觀又上爲天津橋循九渡巖經淵默亭東三里爲玉虛岩轉入太和澗西三里入瓊臺觀半里許至瓊臺峰榜曰仙跡流風曰瓊臺受冊門過此見展旗峯負峰而宮者則紫霄也前有禹跡池池有橋有亭右爲福地殿南則賜劍臺北則萬松亭後爲太子巖太子亭右上數轉至南巖宮太和巖之奇而絕大且高者惟南巖爲勝而宮於其上小之益大平之益高尤奇之絕者也右小阜有員光殿下卽黑虎崖西轉爲元君殿南薰亭外列石枰再折而下爲獨陽紫霄二崖其石檻外有龍首石又東爲風月雙清亭其巖上則飛昇臺禮斗臺試心石捨身巖皆在焉自南巖歷黑虎岩而上有二道其右下循澗道度嶺爲歡喜坡又度二歡喜坡過鳳凰三轉身又度飛崖曰六十搭轉自西南出峽爲清風岬乃間道也其右則由

朝天宮出三公巖文昌祠上摘星橋以達天門
此通衢也五龍宮去此三十里僻遠非衢朝禮
者多從紫霄南巖直詣天門留五龍爲返路若
白玉虛往五龍則自西天門北出四五里爲五
龍行宮宮負茅阜峰又經仁威觀度普福橋由
七里溝上竹關又西上隱仙巖又西上過老姥
祠厯磨鍼澗又梯石南上入五龍宮由天地池
日月池五龍井出宮西北行經凌虛巖誦經臺
折而西上爲自然庵煉丹池又東南度鑽天五
里嶺北至天一橋入北天門又左登小天門過
巨人跡至此則會南巖登頂之孔道矣出南天
門度攝孤嶺曰千尺石梁南北壁斷惟此一綫
通之過嶺至棚梅祠旁有杉七株曰七星樹壁
間鐫帝峙二大字祠西爲上黑虎巖過崖爲朝
天宮又出朝天門爲萬丈峯下有斜橋登山要
津也自此上頂有三徑一爲古道卽清風岬所
由入一爲樵人道由銅殿岬入緣巖迂曲稍可
避險一爲磴道直上三天門是也山起如卓筆

道左書昇天梯三字梯石數百級僅入一門三天門尤斗削豎立廣二尺餘挽鐵絙面壁促縮喘汗數息乃得躋又東折而上入朝聖門又北上爲小龍池又折北上至紫金城匝城盤級數十曲入南天門爲天柱絕頂金殿所居也計州城到頂百二十里中間至草店六十里玉虛近之前皆平野原田至此涉陂陀入山麓到頂七十里尚未有峰望太和如青雲千朶障於天南半壁至紫霄南巖則峯巒層擁儼似千葉寶蓮湧現碧空藍翠撲天應接不暇也自斜橋上頂猶二十里諸峯爭自雄長登頂則一柱擎天衆斯下矣若五龍又別開奧域歷代崇祀靈應有由然也謹敘入山大畧以當卧遊而想見之者如此

吹

山嶽也。其始入山大畧以當但茲而懸具之。皆
 能下矣。若其巔又開其嶽。恐升崇。亦靈。飄有
 韻。二十里。皆峯。自巔。身登。而限。一鉢。華。天。衆
 靈。與。皆。空。諸。靈。對。天。孰。慈。不。顯。以。自。除。謝。上。前

中国书店定价

4	8.00	乙
---	------	---